



Na osnovu člana 34. Zakona o izvršenju Budžeta HNK za 2025. godinu („Službene novine HNK“, broj: 4/25), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 37/24), Odluke o usvajanju Programa utroška novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije „Transferi u veterinarstvu“ broj: 01-1-02-933/25 od 24.04.2025. godine, Ministarstvo poljoprivrede šumarstva i vodoprivrede Hercegovačko-neretvanskog kantona objavljuje:

JAVNI POZIV

za raspodjelu sredstava za provođenje Aktivnosti I. i Aktivnosti II. Programa utroška novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije "Transferi u veterinarstvu"

I PREDMET JAVNOG POZIVA

Predmet Javnog poziva je prikupljanje prijava za raspodjelu novčanih sredstava za provođenje mjera iz Aktivnosti I. i Aktivnosti II. Programa utroška novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede (u daljem tekstu Ministarstvo) s pozicije "Transferi u veterinarstvu", sa konta 37010004 „Transferi u veterinarstvu“ ekonomski kod 613 900 „Ugovorene i druge posebne usluge“, u iznosu od 100.000,00 (stotinu hiljada konvertibilnih maraka) i ekonomski kod 614 400 PA0005, „Subvencije za veterinarstvo“ u iznosu od 50.000,00 KM (pedeset hiljada konvertibilnih maraka).

II KRATAK OPIS PROGRAMA, CILJEVI PROGRAMA

Javni poziv se raspisuje u cilju raspodjele sredstava za provođenje Aktivnosti I. Aktivnosti II. Programa utroška novčanih sredstava utvrđenih Budžetom HNK za 2025. godinu na poziciji "Transferi u veterinarstvu" za Ministarstvo poljoprivrede, šumarstva i vodoprivrede (u daljnjem tekstu Program) na području epizootiološke jedinice u Hercegovačko-neretvanskom kantonu. Iznos predviđen za provođenje Aktivnosti I. je 100.000 KM (stotinu hiljada konvertibilnih maraka), a Aktivnosti II. 50.000,00 KM (pedeset hiljada konvertibilnih maraka). Sredstva će biti raspoređena veterinarskim organizacijama, kako je navedeno u Tabeli 1. i Tabeli 2. Programa broj: 04-20-403/25 od 25.03.2025. godine.

Cilj programa je poboljšanje kvaliteta zdravlja životinja i zdravlja ljudi te zaštita od parazitarne bolesti i zoonotičnih bolesti.

Aktivnost I. Programa - Program mjera dijagnostičkih ispitivanja pčelinjih zajednica epizootioloških jedinica u HNK za 2025. godinu sastoji se od:

- 1.prikupljanja i slanja materijala za dijagnostička ispitivanja,
- 2.dijagnostičkog ispitivanja u referentnom laboratoriju za bolesti pčela i

3.postupanje po Zakonu o veterinarstvu („Službene novine F BiH“ broj 46/00) kod pozitivnih reaktora.

Aktivnost II. Programa uključuje:

1.Subvencioniranje opremanja veterinarskih organizacija na području HNK i

2.Sufinansiranje edukacije ciljnih grupa (pčelara i veterinara) o preventivnom upoznavanju novih bolesti pčela (tropilela-visoko patogena).

Svrha Programa je uspostava kontrole zdravlja životinja, kontrole kretanja zaraznih i parazitarnih bolesti te uspostavljanja stalnog nadzora nad pojavom pojedinih bolesti i stvaranja preduslova za zaštitu zdravlja i dobrobiti životinja, a samim tim i ljudi.

III UKUPNI IZNOS RASPOLOŽIVIH SREDSTAVA

Sredstva za raspodjelu su obezbjeđena Budžetom HNK za 2025. godinu („Službene novine HNK“, broj: 4/25) broj: 01-02-107/25 od 05.03.2025. godine na poziciji 37010004 „Transferi u veterinarstvu“, ekonomski kod 613900 „Ugovorene i druge posebne usluge“, u iznosu od 100.000,00 (stotinu hiljada konvertibilnih maraka) i ekonomski kod 614 400 PA0005, „Subvencije za veterinarstvo“ u iznosu od 50.000,00 KM (pedeset hiljada konvertibilnih maraka).

IV PRAVO SUDJELOVANJA U JAVNOM POZIVU

Pravo prijave na Javni poziv imaju sve veterinarske organizacije na području HNK na osnovu kriterija dodjele Područja djelovanja veterinarskih stanica u HNK, a sukladno Pravilniku o uvjetima za osnivanje i obavljanje veterinarske djelatnosti i načinu dodjele područja djelovanja („Službene novine FBiH“, broj 05/16).

V SADRŽAJ PRIJAVE ZA SUDJELOVANJE U JAVNOM POZIVU

Da bi komisija za odabir korisnika sredstava uzela u razmatranje prijavu podnosilac zahtjeva mora da ispuni sljedeće uslove:

a) Zahtjev za prijavu na Javni poziv

Pod ovim se podrazumijeva uredno popunjen obrazac - zahtjev za prijavu na Javni poziv, te navedeni osnovni podaci koji se traže od podnosioca zahtjeva: naziv podnosioca zahtjeva, adresa sjedišta, zakonski zastupnik, kontakt osoba, identifikacioni broj (broj poreznog obveznika), transakcijski broj/ naziv banke i iznos sredstava koji se traže za realizaciju programa.

Zahtjev za prijavu na Javni poziv mora biti ovjeren potpisom i pečatom od strane ovlaštene osobe.

Obrazac zahtjeva za prijavu na Javni poziv se preuzima sa web stranice Ministarstva www.mpsv-hnz-k.ba.

b) opći prilozi

Lista općih priloga

- Ispunjene obaveze plaćanja poreza i doprinosa.
- Da se protiv podnosioca prijave, odnosno lica ovlaštenog za zastupanje i voditelja programa ne vodi krivični postupak i nije pravomoćno osuđen za prekršaj i/ili počinjenje krivičnog djela.

c) posebni prilozi

Lista posebnih priloga

- Rješenje Ministarstva poljoprivrede, šumarstva i vodoprivrede HNŽ/K o dodijeljenom području djelovanja
- Rješenje Ministarstva poljoprivrede, šumarstva i vodoprivrede HNŽ/K o obavljanju veterinarske djelatnosti
- Rješenje Federalnog ministarstva poljoprivrede, vodoprivrede i šumarstva o ispunjavanju uslova za obavljanje laboratorijskih analiza (za veterinarsku ustanovu).

VI KRITERIJI ZA OCJENU PRIJAVA I ODABIR KORISNIKA

Sredstva iz tačke III. Javnog poziva rasporedit će se prema slijedećim kriterijima:

1. Broj pčelinjih zajednica na područjima djelovanja pojedinih veterinarskih organizacija
2. Subvencioniranje veterinarskim organizacijama prema područjima djelovanja
3. Edukaciju ciljnih grupa (pčelara i veterinarara) o preventivnom upoznavanju novih bolesti pčela (tropilela-visoko patogena) realizira ovlaštena i akreditirana veterinarsko-dijagnostička ustanova u HNK.

Vrednovanje na temelju kriterija za veterinarske organizacije će se vršiti verifikacijom pristigle dokumentacije.

VII ROKOVI (TRAJANJE POZIVA), NAČIN PODNOŠENJA PRIJAVE NA JAVNI POZIV

Rok trajanja poziva i konsultacija je 15 dana od dana posljednjeg objavljivanja Javnog poziva u dnevnom glasilu.

Rok za dostavljanje prijave je 15 dana od dana posljednjeg objavljivanja Javnog poziva u dnevnom listu.

Zahtjevi (prijave) se dostavljaju u zatvorenoj koverti lično ili putem pošte na adresu:

**Ministarstvo poljoprivrede, šumarstva i vodoprivrede HNK,
Hrvatske mladeži bb, 88 000 Mostar**

sa naznakom NE OTVARATI - **Javni poziv za raspodjelu sredstava za provođenje Aktivnosti I. i Aktivnosti II. Programa utroška novčanih sredstava utvrđenih Budžetom HNK za 2025. godinu za Ministarstvo poljoprivrede, šumarstva i vodoprivrede s pozicije "Transferi u veterinarstvu".**

Nakon odabira veterinarskih organizacija pristupit će se potpisivanju ugovora pojedinačno sa svakom organizacijom.

VIII NAČIN OBJAVE POZIVA I DOKUMENTACIJE VEZANE ZA POZIV

Skraćeni tekst Javnog poziva objavljuje se u dva dnevna lista, a integralni tekst istog na službenoj stranici Ministarstva www.mpsv-hnz-k.ba.

Dokumentacija vezana za Javni poziv može se preuzeti sa službene stranice Ministarstva i u Sektoru za veterinarstvo koja je u sastavu Ministarstva poljoprivrede, šumarstva i vodoprivrede HNŽ/K, adresa Hrvatske mladeži bb, 88 000 Mostar. Komisija zadržava pravo da obavi jesti prijavljene veterinarske organizacije o eventualnoj dopuni dokumentacije.

IX ZAVRŠNE ODREDBE

Postupak pregledanja prijava za raspodjelu sredstava iz Javnog poziva provodi Sektor veterinarstva u okviru ovog Ministarstva, koja će utvrditi formalnu ispravnost istih u smislu njihove blagovremenosti, potpunosti i urednosti.

Ministar će imenovati Komisiju koja će na osnovu kriterija propisanih u Javnom pozivu provesti odabir pristiglih pravovaljanih i blagovremenih prijava. Nakon provedenog postupka Ministarstvo će zaključiti ugovor o provođenju aktivnosti vezanih za Program kojim će se detaljno urediti međusobna prava i obaveze Ministarstva i korisnika kojima su sredstva odobrena.

Komunikacija se može ostvariti pozivom na broj telefona 036-445-918 ili putem maila ministarstvopoljhn@gmail.com.

X SPREČAVANJE SUKOB A INTERESA

Svaki član komisije bit će isključen iz postupka raspodjele sredstava ukoliko se utvrdi da je u sukobu interesa u odnosu na podnosioc e prijave.

Podnosioci prijave imaju mogućnost da Ministarstvu poljoprivrede, šumarstva i vodoprivrede HNK prijave sumnju na postojanje sukoba interesa, a navedeno Ministarstvo će odlučiti po svakoj prijavi.

Broj: 04-20-722-2/25

Datum: 30.04.2025. godine



Dostaviti:

1. Kabinetu ministarstva
2. a/a